


# UPV-EHU Txapelketa 2018/19

eman ta zabal zazu



Universidad  
del País Vasco

Euskal Herriko  
Unibertsitatea

**ARAUDI OROKORRA**



## 1.- HASIERA

1.1.- Joko garbia edo "Fair Play" delakoa izango da lehiaketako premisa. Beraz, parte-hartzailearen batek garbi jokatzeko ez badu, lehiaketatik kanpo geratuko da.

1.2.- Lehiaketan parte hartzen dutenek Arau Orokorrak eta Araudi Teknikoa onartzen dituzte; eta baita lehiaketarako eratzen diren komite eta batzordeek jar ditzaketen arauak ere.

## 2.- ANTOLAKETA

Euskadiko Unibertsitate Kirol Txapelketa (iragarritako kirol modalitate guztiak) campusek antolatuko dituzte, txandaka. Dena den, kontuan hartuko dira lehiaketaren bat aurrera eramateko izan ditzaketen zailtasunak.

- **2017. urtea – BIZKAIA**
- **2018. urtea–GIPUZKOA (ARABA, honako modalitate hauetan: eskalada eta hondartzako boleibola)**
- **2019. urtea –ARABA**

## 3.- ANTOLATZAILEEN EGOITZA

3.1.- Antolaketaz arduratu den Campusak beharrezko neurriak hartuko ditu txapelketa egiteko, Kirol Zerbitzuak onartutako proiektuaren arabera.

3.2.- Campus antolatzaileak honako baldintza hauek bete beharko ditu:

- 1.- Kirol instalazioak bermatzea, lehiaketa ondo garatzeko, aurreikusitako egun eta orduetan.
- 2.- Arbitroak eta epaileak bermatzea, jokoak behar bezala garatzeko.
- 3.- Lehiaketarako beharrezko kirol materiala jartzea.
- 4.- Informazio orriak egitea, ahal bada informatikoki, eta horiek parte-hartzaileei helaraztea. Orri horietan agertuko dira partiduen egutegia, emaitzak, instalazioen kokapena eta informazio orokorra.
- 5.- Lehiaketari buruzko ahal bezainbesteko publizitatea egitea, hedabideen bitartez.
- 6.- Oinarrizko laguntza medikoa bermatzea, kirol bakoitzaren ezaugarrien arabera. Horrez gain, ziurtatzea zaurituak anbulantziak eraman ahal izango direla.
- 7.- Lehiaketako kirol eta ekonomia memoria egitea.
- 8.-Parte hartzaileei jan-edana ematea.

## 4.- KIROLAK

Deitutako kirol programak UPV/EHU Kirol Zerbitzuak urtero eskaintzen dituen modalitateak hartuko ditu.

## 5.- PARTE-HARTZAILEAK

5.1.- Unibertsitate gradu bat edo estatu mailan ofizialak eta baliagarriak diren ikasketak egiten dituztela egiaztatzen duten pertsona guztiak hartu ahal izango dute parte, beti ere Unibertsitateei buruzko abenduaren 21eko 6/2001 Lege Organikoaren 34. 1), 2), 36. eta 37. artikuluek ikasketa hori onartzen badute.

5.2.- **Banakako kiroletan:** partaideek haien Campus akademikoa edo kirol campusa ordeztu dutela esku hartuko dute.

**Taldeko kirolak:** salbuespen modura parte-hartzaileena ez den Campus baten ordezkari gisa esku hartzea onartuko da, beti ere parte hartze hori UPV/EHUren interes kolektibokoa bada.



Txapelketa hasi baino lehen, Campuseko kirol teknikariak elkartu eta puntu honi buruzko akordioak finkatuko dituzte. Horren ostean, akta idatziko da.

5.3.- Campus bakoitzak gehienez talde bat inskribatu ahalko du modalitate eta kategoria bakoitzean. Banakako kiroletan, berriz, araudi tekniko bakoitzak zehazten duenaren arabera jokatu da.

## 6.- TXAPELKETAKO EGUTEGIA

Urtero arautuko da, Campus antolatzailearekin eta Espainiako Unibertsitateko Txapelketen Batzorde Nagusiaren deialdiarekin bat etorritik. Kontuan hartuko dira egutegi akademikoak, azterketa egunak, lehiaketa federatuen egutegia eta baita zenbait kirol egiteko data egokienak ere, hala nola landan zeharreko modalitatea.... Araban egingo diren txapelketen egutegia: eskalada eta hondartzako boleibola, 2019ko urtariletik aurrera.

## 7.- IZEN-EMATEAK

7.1.- ***Izen-emate orokorra:*** unibertsitateek antolatzaileei jakinarazi behar die, formalki, zein kiroletan parte hartzeko asmoa duten; eta hori, aurrerapen nahikoarekin hasierako antolaketa lanak errazteko, hau da, **2018ko urriaren 30a baino lehen.**

7.2.- ***Izen-emate kuantitatiboa:*** txapelketa hasi baino 15 egun lehenago, Campus bakoitzak egoitza antolatzaileari jakinaraziko dio zenbat parte-hartzaile izango dituen kirol eta modalitate bakoitzean.

7.3.- ***Izen-emate nominatiboa:*** txapelketa hasi baino 24 ordu lehenago egin beharko da Campus antolatzailean. Izen-emate horretan inprimaki ofizialetan eskatutako datu guztiak bete beharko dira eta dagokion campuseko teknikariak izenpetuta egon beharko du.

## 8.- PARTE-HARTZAILEEN DOKUMENTAZIOA

Parte-hartzaile bakoitzak, nor den jakiteko, epaileei edo arbitroei honako hauek aurkeztu behar dizkie:

- 1.- Unibertsitateko txartela, nortasun-agiri nazionala, pasaportea edo gidabaimena.
- 2.- Izena emateko inprimakia, behar bezala beteta.
- 3.- Hala badagokio, kirol mailaren egiaztatzea, Espainiako Unibertsitate Txapelketako araudi teknikoek ezarritakoaren arabera.

## 9.- LEHIAKETA SISTEMA

Kirol bakoitzak dagokion araudi teknikoan zehaztutako lehiaketa sistema jarraituko du.

## 10.- KIROL DIZIPLINAKO ARAUAK

LEHIAKETA EPAILE BAKARRA egongo da (UPV/EHUko kirol arduraduna), eta baita BATZORDE TEKNIKOA (Campuseko teknikariak) ere. Horiek eztabaidatuko dituzte parte-hartzaileek aurkeztutako erreklamazio guztiak.

Erreklamazioak idatziz aurkezteko gehieneko epea erreklamazioa jartzeko arrazoia izan den gertakaria jazo eta gehienez 2 ordukoa izango da. Hala ere, lehiaketa epaile bakarrak hartutako erabakiak apelaezinak izango dira beste edozein instantziaren aurrean.



Arau orokor gisa jokalaririk bat deskalifikatu egiten bada (txartel gorria, urdina, falta tekniko deskalifikatzailea...), ezin izango du hurrengo partida jokatu.

## 11.- PARTE HARTZEN DUTEN CAMPUSEN BETEBEHARRAK

11.1.- Parte hartzen duten campusek antolatzaileei izen-emate orriak bidali behar dizkiete, behar bezala beteta eta epea amaitu baino lehen.

11.2.- Campus bakoitzak antolatu eta kudeatuko ditu kirolarien joan-etorriak, lehiaketan zehar.

11.3.- Campusek, izena ematean, konpromisoa hartzen dute beren kirolariek parte hartuko dutela programaturako proba eta lehiaketetan.

11.4.- Parte hartzen duten campusek ordezkaritza burua izan behar dute, antolatzailearen aurrean Campusa ordezkatzeko

11.5.-Campusak arduratuko dira beren parte-hartzaileak bertaratu izanaren egiaztagiriak egin eta entregatzeaz.

11.6.- Campusak arduratuko dira beren kirolarien ekipamenduez. Campus bakoitzak dagozkion kolore korporatiboak errespetatu beharko ditu:

- Bizkaia; GORRIA
- Gipuzkoa; URDINA
- Araba; BERDEA